

INUIT ATAQATIGIIT

INATSISARTUNI



Nuuk, 16. maj 2013

Inatsisartut Suleriaasianni § 37 naapertorlugu Naalakkersuisunut imaattunik apeqquteqarpunga.

(Inatsisartuni ilaasortaq Sara Olsvig, Inuit Ataqatigiit)

Apeqqutit:

1. Issittumi Siunnersuisoqatigiit suleqatigiiffiannit Naalakkersuisut tamarmiusut peqataajunnaarallannerarlutik Naalakkersuisunit nalunaarutigineqaqqammerpoq. Peqataajunnaarallarneq tamanna aamma Issittumi Siunnersuisoqatigiit suleqatigiissitaannut aammalu ilisimatusarnikkut suleqatigiinnerannut atuuppa?
2. Siunnersuisoqatigiinni siulittaasunngortunut canadamiunut "isumaqatigiinniarnert piviusermik ingerlanneqalernerat" qanoq iluseqarlutik Naalakkersuisunit ingerlanneqalernat?
3. Naalagaaffeqatigiinnut oqaaseqarnissamut piffissaliussap iluani Naalakkersuisut Siulittaasuat Kiruna-mi ministerit pisortatigoortumik ataatsimiinneranni oqaaseqarsinnaasimanerluni, soorlumi Saamit (Saamit Inatsisartuini præsidenti aqqutigalugu) Norge-mit taamatut periarfissinneqartut?
4. Issittumi Siunnersuisoqatigiit ataatsimiinneranni peqataajumanatik Naalagaaffeqatigiit ataatsimoorlutik nalunaaruteqarsimasinnaagaluarpata taamaalillutillu naalagaaffeqatigiit ataatsimiinnissamut ornigutinngitsuuginnarlutik?

Tungavilersuut:

Issittumi Siunnersuisoqatigiit suleqatigiiffianni Kalaallit Nunaata peqataanera unitsikkalarneqartoq ulloq 14. maj, tamannalu ilutigalugu siulittaasunngortunut canadamiunut isumaqatigiinniarnert piviusermik ingerlanneqalersut Naalakkersuisunit avammut nalunaarutigineqarpoq, aammalu aqaguani Issittumi Siunnersuisoqatigiit ministeriisa Sverige-mi Kiruna-mi ataatsimiinnissami Kalaallit Nunaat aallartitaqassanngitsoq nalunaarutigineqarluni. Nunat tamalaat suleqatigiiffiini tusaaneqarnissaq pingaaruteqartupilussuummat, Naalakkersuisut aalajangersimasinnaagaluarpata ministerit Kiruna-mi ataatsimiinneranni peqataasallutik, peqataanikkummi Kalaallit Nunaannit oqariartuutigiumaneqartut saqqummiunneqarsinnaassagaluarmata. Tamannali Naalakkersuisunit kissaatigineqarsimangilaq, taamaammallu taamatut Naalakkersuisunit peqataajumanani aalajangersimaneq sunik tungaveqarnerseq aammalu siunissami qanoq pinngitsoortinneqarsinnaanersaq paasisaqarfigisallugu Inatsisartunut pingaaruteqarpoq.